



VAKSINIMI COVID-19

Informacione të përgjithshme në lidhje me vaksinimin nga COVID-19

Është vaksinimi efikas dhe i sigurt?

Çdo vaksinë ka nevojë për miratim dhe rekomandim në Zvicër. Për ta bërë këtë, ajo duhet të plotësojë standarde të larta për sigurinë, efikasitetin dhe cilësinë. Agjencia Zvicerane për Produkte Terapeutike, Swissmedic, ka ekzaminuar dhe miratuar me kujdes vaksinën kundër COVID-19. Ajo është e sigurt dhe efikase. Dhjetëra mijëra njerëz tashmë kanë marrë vaksinën gjatë punës kërkimore. Është gjithashtu e sigurt dhe efikase tek të moshuarit edhe me sëmundje kronike. Disa milion njerëz janë vaksinuar me këto vakcina që nga miratimi. Deri më tani nuk ka asnjë anomali në lidhje me efektet anësore të rënda gjatë hulumtimit ose programeve të vaksinimit. Profesionistët vazhdojnë të monitorojnë sigurinë dhe efikasitetin e vaksinës.

Në përgjithësi: Rreziku i efekteve anësore serioze pas vaksinimit është shumë më i vogël se rreziku i përparimit serioz të sëmundjes pas infektimit nga koronavirusi.

Kush do të marrë vaksinat e para?

Pikë së pari, njerëzit për të cilët COVID-19 është veçanërisht i rrezikshëm vaksinohen në Zvicër: Këta janë njerëz të moshës 65 vjeç e lart dhe të rritur me sëmundje kronike të caktuara. Për arsye se disponueshmëria e vaksinave është e kufizuar në fillim, njerëzit e moshës 75 vjeç e lart dhe personat me sëmundje kronike kanë rrezik më të lartë të shtrimit të rëndë me COVID-19 do të jenë të parët që do t'u caktohet seanca e vaksinimit. Më pas, punonjësit shëndetësorë dhe kujdestarët e njerëzve që janë veçanërisht në rrezik duhet të vaksinohen. Pastaj e kanë radhën për vaksinim kontaktet e afërta. Kjo do të thotë: njerëz që jetojnë me njerëz veçanërisht të prekshëm ose që kujdesen për ta privatisht.

Ku dhe kur mund të vaksinohem?

Qeveria federale ka hartuar një strategji dhe rekomandime për vaksinimin. Kantonet janë përgjegjëse për vaksinimin. Zbuloni se cilat grupe njerëzish mund të vaksinohen aktualisht dhe ku, në faqen e internetit ose në linjën e informacionit në kantonin tuaj www.foph-coronavirus.ch/cantons (anglisht). Ose pyesni mjekun apo farmacistin tuaj.

Kush nuk duhet të vaksinohet?

Ne nuk u rekomandojmë vaksinimin COVID-19 këtyre njerëzve:

- Njerëzve me alergji të rëndë të konfirmuar ndaj cilitdo përbërës të vaksinës (veçanërisht glikolit të polietilenit PEG).
- Fëmijëve dhe adoleshentëve nën 16 vjeç. Deri më tani nuk ka të dhëna për vaksinimin në këtë grupmoshë.

Nuk ka të dhëna të mjaftueshme për vaksinimin gjatë shtatzënisë. Aktualisht nuk rekomandojmë vaksinimin e përgjithshëm të grave shtatzëna. Në rastin e disa sëmundjeve kronike me rrezik më të lartë të sëmundjes së rëndë Covid 19, vaksinimi mund të jetë ende i dobishëm. Nëse jeni shtatzënë dhe keni një sëmundje kronike, ju lutemi të konsultoheni me mjekun tuaj.

Ju lutemi vini re: A keni ethe të larta? A jeni i sëmurë dhe nuk jeni mirë? Atëherë shtyjeni takimin për vaksinim. A po prisni rezultatin e testit tuaj COVID-19? Apo jeni në izolim ose karantinë? Atëherë mos e bëni vaksinimin. Bëjeni vaksinimin sa më shpejt të jetë e mundur.

Si funksionon vaksinimi?

Do t'ju bëhet një injeksion në pjesën e sipërme të krahut.

Sa shpesh duhet të vaksinohemi?

Duhen dy vakcina. Vaksinimi i dytë duhet të kryhet afërsisht katër javë pas vaksinimit të parë.

Çfarë është e rëndësishme të dini: Bëjini të dy vaksinat. Vetëm atëherë mbroheni më mirë.

Si më mbron vaksinimi?

Trupi juaj krijon mbrojtje ndaj COVID-19. Kjo zgjat rreth një javë pas vaksinimit të dytë. Vaksinimi forcon sistemin tuaj imunitar. Ndhmon trupin tuaj të luftojë virusin. Mbrojtja e vaksinimit zvogëlon shumë rrezikun e marrjes së COVID-19.

KËSHTU MBROHEMI NE.



Çfarë është e rëndësishme të dini: Nuk ekziston mbrojtja e plotë. Disa njerëz mund të infektohen nga COVID-19 pavarësisht vaksinimit. Pas kryerjes së vaksinimit, ka më shumë mundësi që të mos sëmurëni rëndë. Informacione më të hollësishme se si funksionon vaksinimi mund të gjeni këtu: www.foph-coronavirus.ch/mrna (anglisht)

Për sa kohë më mbron vaksinimi?

Nuk e dimë akoma. Për momentin, ekspertët po hulumtojnë për sa kohë mbron vaksinimi. Mund të ndodhë që të ketë nevojë për një vaksinim tjetër pas njëfarë kohe.

A mundem unë të infektohem me COVID-19 nga vaksinimi?

Jo. Ju nuk merrni COVID-19 përmes vaksinimit.

Në vaksinë nuk ka koronavirus.

Ju lutemi vini re: Para dhe pas çdo vaksinimi, zbatoni rregullat e higjienës dhe sjelljes.

A duhet të vaksinohem nëse kam COVID-19?

Vaksinimi gjithashtu ka kuptim nëse keni kaluar COVID-19 tashmë. Në javët pas sëmundjes, ju jeni të mbrojtur nga një infeksion i ri. Ne rekomandojmë vaksinimin nga tre muaj pas sëmundjes.

A ka ndonjë efekt anësor?

Mund të ketë efekte anësore me çdo vaksinim. Në shumicën e kohës ato janë të dobëta dhe mbarojnë shpejt. Shumë rrallë ka efekte anësore serioze. Disa njerëz kanë shfaqur reaksione alergjike menjëherë pas vaksinimit Covid-19. Përveç kësaj nuk ka pasur anomali në lidhje me efektet anësore serioze deri më tani. Këto efekte anësore priten brenda pak muajsh nga vaksinimi. Ekspertët i monitorojnë rastet e mundshme.

Çfarë efektesh anësore janë të mundshme?

- Vendi i injektimit skuqet, ka dhimbje ose ënjtjet.
- dhimbje koke
- lodhje
- dhimbje të muskujve dhe kyçeve
- simptoma të përgjithshme si të dridhura, ndjesi të etheve ose ethe e lehta

Këto efekte anësore janë të zakonshme pas vaksinimeve. Ato tregojnë se trupi krijon mbrojtje nga vaksinimi. Pra, në formë të butë ato janë gjithashtu një shenjë e mirë.

Një reaksion alergjik mund të çojë në ënjtje, skuqje, kruajtje ose gulçim, për shembull. Nëse përjetoni simptoma të tilla, kontaktoni menjëherë mjekun tuaj.

Sa mund të zgjasin efektet anësore?

Efektet anësore zakonisht zhduken pas disa ditësh.

A jeni ende duke përjetuar efekte anësore pas një jave? Apo përkeqësohen? Apo jeni i shqetësuar?

Atëherë bisedoni me mjekun tuaj.

Çfarë duhet të bëj pas vaksinimit?

Ju keni bërë vaksinën tuaj të parë. Lini menjëherë takim për vaksinën e dytë afërsisht katër javë më vonë.

Ju lutem mos harroni: Vazhdoni t'i përmbaheni rregullave të higjienës dhe sjelljes.

Unë jam vaksinuar. A mund të infektoj njerëz të tjerë me COVID-19?

Vaksinimi ju mbron juve nga COVID-19. Sidoqoftë, ende nuk dihet nëse vaksinimi do ta parandalojë infektimin. Kështu që mund të ndodhë që të infektoni njerëz të tjerë pavarësisht nga vaksinimi dhe nuk keni simptoma. Prandaj, vazhdoni t'i përmbaheni rregullave të higjienës dhe sjelljes.

Kush paguan për vaksinimin?

Vaksinimi është falas për ju. Sigurimi shëndetësor paguan një pjesë të vaksinimit. Qeveria federale dhe kantonet paguajnë pjesën tjetër.

A kryhet vaksinimi në mënyrë vullnetare?

Po. Vaksinimet në Zvicër janë vullnetare.

Kërkesë për vaksinim nuk jepet.

Ku mund të gjeni më shumë informacion?

Informacione të mëtejshme mbi vaksinimin nga COVID-19 mund të gjenden në faqen e internetit të BAG: www.foph-coronavirus.ch/vaccination (anglisht) Ose pyesni mjekun tuaj. Ose në farmacinë tuaj.

